

INUIT ATAQATIGIIT INATSISARTUNI



UKA2021/027

30/10-2021

Mariia Simonsen

Inatsisartut Naalackersuisullu pillugit Inatsisartut inatsisaata allangortinneqarneranik Inatsisartut inatsisaat. (Kukkunersiuinermut Ataatsimiititaliap piginnaatitaanera aamma paasissutissanik atortussanillu piumasaqarsinnaatitaanera)

(Inatsisartut Siulittaasuat)

Kukkunersiuinermut Ataatsimiititaliap pisinnaatitaanerata kiisalu paasissutissanik atortussanillu naalackersuisoqarfinnut piumasaqarsinnaatitaanerata paatsuugassaannngitsumik, assortorneqarsinnaannngitsumik erseqqissumillu Inatsisartut Naalackersuisullu inatsisaanni allassimalernissaa Siulittaasoqarfiup siunnersuutigimmagu Inuit Ataqatigiinnit nuannaarutigaarput. Amerlanerit eqqaamassajunnarsivaat Naalackersuisut Siulittaasuata Naalackersuisoqarfiata paasissutissanik atortussanillu Kukkunersiuinermut Ataatsimiititaliap kissaateqarnera siorna 2020-mi akueriومانagu tukernersormat. Tamanna pissuteqarpoq Inatsisartut Naalackersuisullu pillugit inatsimmi kukkunersiui neq pillugu aalajangersakkat erseqqinngippallaarsimmammata, pissutissaqarsimmamallu aalajangersakkat apeqqusissallugit. Kukkunersiuinermut Ataatsimiititaliap suliassaraa Inatsisartut aningaasaliissutaat naapertuuttumik ator neqarsimanersut misissussallugu kiisalu aalajangiinerit iliuutsilluunniit aningaasaliissutigineqartunut, inatsisinut isumaqatigiissutinut ileqquliussanullu naapertuuttumik pisimanersut. Tassalu kingulliup siorna apeqqusernera pissutaarpiarpoq inatsimmik allannguinnissamik siunnersuuteqartoqarneranut. Pissutsit qulaani eqqartukkakka tamakku inatsit siunnersuutigineqartutut allangortinneqarpat oqaluttuaannangussasut neriuppugut. Inatsisartut Kukkunersiuinermut Ataatsimiititaliaat

INUIT ATAQATIGIIT INATSISARTUNI



paasissutissanik Naalakkersuisunut qaqugukkulluunniit
piumasaqarsinnaatitaasariaqarpoq, tamannalu
assortorneqarsinnaasussaangilaq – aningaasanik qanoq atuisimanermut
tunngagaluarpata aalajangiinernulluunniit tunngagaluarpata. Taamaattumik Inuit
Ataqatigiinniit nuannaarutigilluinnarparput inatsimmi maanna
allassimalissammat Kukkunersiuinermut Ataatsimiititaliap paasissutissanik
atortussanillu piumasaqarnera Naalakkersuisut pinngitsooratik malissagaat.
Tamanna minnerunngitsumik pingaaruteqarpoq Inatsisartut Naalakkersuisullu
akornanni suleqatigiinnerup ikkarnanngitsumik tatigeqatigiittumillu
ingerlasariaqarmat.

Naggataatigut kissaatigissavarput inatsimmut allannguutissatut siunnersuutip
kalaallisoortani oqaaseq "piginnaatitaanera" taarserlugu allassimalissasoq
"pisinnaatitaanera".

Siunnersuut annertunerusumik oqaaseqarfiginagu
aappassaaneerneqarnissaanut Inatsisinut Ataatsimiititaliami suliarineqarnissaa
Inuit Ataqatigiinniit innersuussutigaarput.